

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE**

Obraćanje Premijera Federacije Bosne i Hercegovine

**"POLITIKA DJELOVANJA I OSNOVE STRATEGIJE
VLADE FEDERACIJE BOSNE I HERCEGOVINE U
MANDATNOM PERIODU 2007 – 2010.godina"**

Sjednica Predstavničkog doma Parlamenta Federacije Bosne i Hercegovine

Sarajevo 22.03.2007.godine

PREMIJER

dr. Nedžad Branković

SADRŽAJ

	Naslov	str
1	UVOD	3
2	POLITIKA DJELOVANJA VLADE FEDERACIJE BIH	4
3	POLAZNE OSNOVE ZA RAD VLADE FEDERACIJE BIH	6
4	STRATEŠKI CILJEVI VLADE FEDERACIJE BIH	9
5	STRATEŠKI PROJEKTI FEDERACIJE BOSNE I HERCEGOVINE	10
6	STRATEŠKE AKTIVNOSTI MINISTARSTAVA FEDERACIJE BIH	14
7	ZAVRŠNA RAZMATRANJA	18

Ključne riječi

- Bosna i Hercegovina
- Federacija BiH
- Privredni razvoj
- Unutrašnja društvena stabilnost
- Znanje, vještina, stavovi
- Pobjeda političkog duha BiH

1. UVOD

Bosna i Hercegovina je složena država, sa brojnim otvorenim procesima i potrebama da se na unutrašnjem i vanjskopolitičkom planu reformira i pređe put standardizacije i pridruživanja zajednici evropskih zemalja. Na tom putu do sada su postignuti određeni rezultati, ali bit će potrebno uložiti još mnogo napora i rada, strpljivosti, dijaloga i spremnosti na kompromise da dođemo do cilja.

U predstojećem periodu kroz aktivan odnos Vlade Federacije Bosne i Hercegovine i efikasno iznalaženje najboljih rješenja u svim oblastima života, neophodno je animirati i motivisati građane Bosne i Hercegovine, da zajednički grade bolju budućnost za sve koji žive u Bosni i Hercegovini te na temeljima pozitivnih rezultata razvijati lojalnost prema državi. Vraćajući vjeru u institucije države i velikim radom možemo obezbijediti egzistencijalnu i opću sigurnost građana Bosne i Hercegovine i Federacije Bosne i Hercegovine.

Dakle, opredjeljenja smo da osnovna orijentacija Vlade u narednom mandatnom periodu ide u pravcu da: Vlada Federacije Bosne i Hercegovine postane nosilac i kreator novih ideja i pokretač akcija, a ne samo realizator tekućih potreba i zahtjeva za koje u određenim situacijama, najčešće, i nije moguće naći najbolja rješenja.

Bosanskohercegovačka iskustva, naša historija i vlastite originalne vrijednosti, učvršćivali su samopouzdanje, narodnu vjeru u vlastite snage i vrijednosti naše baštine i naše tradicije. Ne postoji niti jedan razlog u hiljadugodišnjoj povijesti Bosne i Hercegovine koji bi nas upućivao na to da sumnjamo u temelje današnje Bosne i Hercegovine kao buduće snažne, stabilne, demokratske i moderne evropske države.

Potpuno smo svjesni da u buduću zajedničku kuću sa ostalim evropskim državama i Bosna i Hercegovina treba ugraditi vlastitu „ciglu“. Zato se svi naši ciljevi, kratkoročni (mandatni) i dugoročni (ciljevi vizije), moraju odnositi na temeljne potrebe građana Bosne i Hercegovine: **privredni razvoj i unutrašnju društvenu stabilnost.**

Temeljni ciljevi zahtijevaju obnovu unutrašnje vitalnosti zemlje, traže snagu i pobjedu duha nad malodušnošću. Ostvarivanje temeljnih ciljeva zahtijeva harmonizaciju i skladnost svih oblasti državnog i društvenog života i sveobuhvatnu opredijeljenost na dosljedno i efikasno angažovanje svih domaćih kreativnih potencijala a kroz usklađenu politiku djelovanja.

2. POLITIKA DJELOVANJA VLADE FEDERACIJE BIH

Politika djelovanja Vlade Federacije Bosne i Hercegovine će biti oslonjena na principe rada, pravce djelovanja i strateške aktivnosti, upravo, u cilju pobjede bosansko – hercegovačkog duha nad trenutno dominirajućim osjećajem bezperspektivnosti i nesigurnosti.

Vlada Federacije Bosne i Hercegovine u narednom mandatnom periodu će u svome radu, u skladu sa nadležnostima definisanim Ustavom Bosne i Hercegovine i Ustavom Federacije Bosne i Hercegovine, biti orijentisana zadacima i aktivnostima koji će doprinijeti ekonomskom i socijalnom jačanju Federacije Bosne i Hercegovine. Na taj način ćemo doprinositi općem, institucionalnom i funkcionalnom jačanju države Bosne i Hercegovine. U tom interesu izdvajamo tri osnovna pravca djelovanja:

- a. intenziviranje privrednog razvoja Federacije Bosne i Hercegovine;**
- b. jačanje unutrašnje društvene stabilnosti Federacije Bosne i Hercegovine;**
- c. iniciranje i provođenje reformi usklađenih sa potrebama Bosne i Hercegovine na putu ka pridruživanju Evropskoj Uniji.**

Ovi pravci djelovanja Vlade Federacije Bosne i Hercegovine predstavljaju i temeljnu misiju Vlade da bude generator značajnih pozitivnih procesa u Bosni i Hercegovini u narednom mandatnom periodu 2007. – 2010.godina.

Namjera Vlade je da koordiniranim planom aktivnosti bude potpuno opredijeljena podizanju kvaliteta života građana Bosne i Hercegovine, a svoje ciljeve rada će ostvarivati i usmjeravati sistemom civilizacijskih vrijednosti i potpune opredijeljenosti za:

- **jačanje demokratskih odnosa**, vladavinu prava, građanskim i vjerskim slobodama, jednakosti i ravnopravnosti naroda i građana, pravima pojedinaca na jednake životne prilike;
- **jačanje položaja pojedinca u društvu**, da mu instituti i instrumenti države budu podstrek za iskazivanje i aktiviranje ličnih potencijala za razvoj u svim oblastima društvenog i privrednog života te na taj način odstraniti sve moguće oblike sputavanja i diskriminacije građana;
- **jačanje mehanizama sigurnosti i zaštite građana**, posebno putem izmjene zakona i dosljednom reformom policije na principima i standardima evropskih zemalja;
- **jačanje državnih institucija**, snaženjem javne odgovornosti i odvajanjem političkog sistema upravljanja državnim poslovima od sistema javne administracije, uz dalju reformu javne uprave;
- **borbu protiv korupcije i kriminala** i drugih oblika urušavanja stvarnih društvenih vrijednosti koji u društvu već poprimaju oblik epidemije;
- **sigurnost finansijskog sistema** kroz preostale privredne, institucionalne i društvene reforme i realizacije projekta za jačanje upravljanja javnim finansijama;
- **snažan zamah vlastite proizvodnje i zapošljavanja**, jačanje duha poduzetništva praćenog socijalnom pravdom, jačanje samopouzdanja u vlastite snage praćeno stručnim i postojećim institucijama, podsticaj i afirmacija porodičnog biznisa;
- **poticaj mladim generacijama** kroz hrabru viziju jasno definisanog cilja i svrhe da budu sadašnji i budući stubovi bosansko – hercegovačkog društva kao i nosioci progressa u nauci, novim tehnologijama i informatici, uz značajniji tempo njihovog zapošljavanja;
- **pružanje poštovanja i brige o starijim generacijama**, obezbjeđujući njihovu egzistencijalnu sigurnost i dostojanstven društveni položaj;
- **osiguranje dostojanstvenog statusa** korisnicima prava iz odbrambenog rata u društvu i egzistencijalne sigurnosti;
- **osiguranje socijalnih prava** korisnicima svih oblika socijalne zaštite i njihov položaj u društvu;
- **očuvanje kulturne baštine i autohtonog kulturnog stvaralaštva** uz značajniju podršku institucijama iz ove oblasti;

- **promjenu odnosa prema selu**, poljoprivredi i šumarstvu kroz poticaj za održivost u ambijentu liberalizacije međunarodne trgovine;
- **novi pristup u zaštiti** prirodne i životne sredine kroz projekte očuvanja zdrave sredine i promocije prirodnih ljepota i razvoja turizma;
- **razvoj naših gradova i općina** na potpuno novim osnovama kroz iskorak iz političke uskogrudnosti ka prostorno – planski i zemljišno – pravno uređenoj viziji lokalne zajednice kao dijela evropskog urbanog područja;
- **obnovu vrline dijaloga, uvažavanja i suživota**;
- **odgovornost u javnom i medijskom životu**, kao i eliminacija pojedinih političkih i finansijskih interesa koji mogu biti razlog društvene nestabilnosti i nesigurnosti građana; medijska afirmacija pozitivnih razvojnih procesa i slično.

Potpuno sam uvjeren da je, sa dosljednim prihvatanjem ovog sistema vrijednosti i opredjeljenja u radu Vlade Federacije Bosne i Hercegovine, moguće realizirati strateške ciljeve Vlade Federacije Bosne i Hercegovine i realizirati viziju Bosne i Hercegovine kao privredno razvijene i stabilne moderne evropske države.

3. POLAZNE OSNOVE ZA RAD VLADE FEDERACIJE BOSNE I HERCEGOVINE

Mandat prethodne Vlade Federacije Bosne i Hercegovine značajnim dijelom je obilježen poslovima na ispunjavanju uslova za pregovore sa Evropskom unijom, za zaključivanje Sporazuma o stabilizaciji i pridruživanju i koji su podrazumijevali realizaciju značajnih reformi.

To je, prije svega: reforma odbrambenog sistema koja je u ovoj fazi podrazumijevala i prijenos nadležnosti sa entiteta na državu, a okončana je pristupom Bosne i Hercegovine Partnerstvu za mir; reforma indirektnog oporezivanja, koja je definisala vlastite izvore finansiranja državnog budžeta Bosne i Hercegovine; reforma javnih servisa, koja još nije okončana, te reforma uprave i reforma policije. Ključni ekonomski pokazatelji ostvareni u mandatu prethodne Vlade, polazne su osnove za rad nove Vlade Federacije Bosne i Hercegovine i to:

- * **bruto domaći proizvod** je posljednje tri godine stalno imao tendenciju rasta i u masi je u 2006.godini ostvaren u iznosu od 11,1 mlrd KM. Ako bi se u obzir uzelo i neformalno tržište, njegov nominalni iznos bi bio daleko veći i iznosio bi oko 13 mlrd. KM. GDP po glavi stanovnika u 2006.godini povećao se na 4.788 KM. Prosječan godišnji rast u periodu 2003 – 2006.godina, 6,4 %;
- **fizički obim** industrijske proizvodnje se posljednje četiri godine stalno povećavao da bi u 2006.godini dostigao vrijednost od 1022 mil. pondera ili za 7,5% više u odnosu na 2005.godinu. Fizički obim građevinskih radova ostvaren je u protekle četiri godine u iznosu od 64.501 hiljada efektivnih sati rada. U 2006.godini je prvi put nakon rata zabilježen pozitivan rast građevinskih radova po stopi od 10,7%;
- **izvoz roba i usluga** je u periodu 2003-2006.godine ostvaren u vrijednosti od 10.176 mil. KM. Samo u 2006.godini izvezeno je roba u iznosu od 3.612 mil. KM, ili 37,6% više u odnosu na prethodnu godinu. Najveći rast izvoza ostvaren je u industriji, i to kod hemijsko-farmaceutskih proizvoda, mašina, aparata i mehaničkih uređaja, kamena, kreča, cementa, ruda, metala i proizvoda od metala, kao i u agro-industrijskom sektoru. Izvoz roba je u posljednjih četiri godine rastao po stopi od 24,4% prosječno godišnje.
- Istovremeno, **uvoz roba** je u istom periodu rastao po stopi od 9,0% prosječno godišnje, a najviše su se uvozila mineralna goriva (ugalj, plin, koks i nafta), zatim rude i metali, i dr. Pozitivna trgovinska kretanja ostvarena u posljednje četiri godine mogu se mjeriti stepenom pokrivenosti uvoza izvozom od 14,0%.
- Iz aspekta **direktnih stranih ulaganja** može se naglasiti da su ona u stalnom porastu i realizirana su u posljednje četiri godine u vrijednosti od 1.411 mil. KM. Stanje u prosječnom godišnjem rastu procentualno iznosi 0,6%.
- **Promet u trgovini** je u posljednje četiri godine doživio pravu ekspanziju, sa prosječnom stopom rasta od 34,5% godišnje. Slična situacija je i u oblasti ugostiteljstva u kojem se promet povećavao po stopi od 7,8% prosječno godišnje u periodu 2003-2006.godina.
- **Zaposlenost u** posljednje četiri godine, nažalost, pokazuje negativnu stopu (-0,3%), iako treba konstatovati da je negativan trend zapošljavanja bio i izraženiji u (-2,1 %).

* izvor podataka – Federalni zavod za programiranje razvoja

Vrijednost osnovnih indikatora razvoja na kraju 2006. godine *

	2006.godina nominalna vrijednost	Procentualni porast 2006/2005
GDP - u mil.KM	11.133	10,0
Zaposlenost - prosječna broj	389.601	0,3
Izvoz roba – u mil. KM	3.612	37,6
Stepen pokrivenosti izvoza uvozom u %	45,6	35,3
Stepen investiranja u %	24,8	2,1
Fizički obim industrijskih proizvoda - u mil. ponder	1.022,3	7,5
Plaće u KM	603	8,0
Cijene na malo	-	7,0

Ovi indikatori su odabrani za polazne osnove jer upravo oni usmjeravaju na težišne aktivnosti na koje će se Vlada Federacije Bosne i Hercegovine orijentisati u radu tokom mandatnog perioda 2007 - 2010.godina.

STOPE RASTA EKONOMSKIH POKAZATELJA FEDERACIJE BIH

OPIS	Prethodna Vlada				Sadašnja Vlada				
	2000	2001	2002	Period 2001- 2002	2003	2004	2005	2006	Period 2003- 2006
BRUTO DOMAĆI PROIZVOD (GDP)	15,8	7,3	8,3	15,9	3,5	7,1	5,3	10,0 ¹	6,4
BRUTO DOMAĆI PROIZVOD-GDP (sa NOE)	13,5	5,0	6,8	12,9	2,0	5,1	1,0	1,5 ¹	2,4
STANOVNIŠTVO	1,6	-0,2	0,3	0,0	0,3	0,2	0,1	-0,1	0,1
GDP PO STANOVNIKU	14,1	7,5	8,0	15,1	3,3	6,9	5,2	10,1 ¹	6,3
ZAPOSLENOST	0,7	-0,9	-3,2	-2,1	-1,7	0,2	0,1	0,3	-0,3
NEZAPOSLENOST	0,0	2,8	8,1	5,4	4,9	6,9	6,7	4,3	5,7
RADNA SNAGA	0,5	0,5	1,3	0,9	1,1	3,2	3,1	2,2	2,4
STEPEN ZAPOSLENOSTI	-0,6	-0,6	-4,0	-2,3	-1,8	0,0	0,0	0,0	-0,4
STEPEN NEZAPOSLENOSTI	-0,5	2,3	6,5	4,4	3,8	3,6	3,5	2,1	3,3
PLAĆE	10,2	7,3	9,0	8,1	8,5	1,9	4,5	8,0	5,7
IZVOZ ROBA	50,5	15,0	-8,0	2,9	19,0	18,6	22,8	37,6	24,3
UVOZ ROBA	8,8	10,9	4,2	7,5	3,0	11,1	21,1	1,9	9,0
SALDO (izvoz - uvoz)	-2,5	9,2	9,6	9,4	-2,9	7,8	20,2	-16,4	1,3
POKRIVENOST UVOZA IZVOZOM	38,5	3,7	-11,8	-4,3	15,6	6,7	1,2	35,3	14,0
A DIREKTNNA STRANA ULAGANJA		-11,6	121,0	39,8	-45,3	137,1	-26,5	7,4 ¹	0,6
Stopa investiranja (Direktna strana ulaganja)		-16,0	104,7	27,2	-46,5	117,4	-30,0	-2,9 ¹	-5,7
B OSTVARENE INVESTICIJE	19,2	-0,6	17,9	8,3	1,6	12,9	19,0	12,5 ¹	11,3
Stopa investiranja (Ostvarene investicije)	8,6	-7,3	8,9	-0,2	-1,9	5,4	13,0	2,1 ¹	4,5
UKUPNA ULAGANJA (A+B)		-1,8	28,0	12,1	12,1	25,2	10,4	11,9 ¹	9,7
Stopa investiranja (Ukupna ulaganja)		-8,2	17,9	3,1	-9,6	17,3	4,9	1,4 ¹	3,1
FIZIČKI OBIM									
-Industrija	8,8	12,2	9,2	10,6	4,8	13,2	6,1	7,5	7,8
-Poljoprivreda	-24,4	14,5	7,1	10,8	-10,5	21,2	1,7	5,0 ¹	3,7
-Šumarstvo	14,8	-9,5	15,3	2,2	1,3	-4,4	-8,4	8,9	-0,9
-Građevinarstvo	14,9	-2,9	-5,6	-4,3	-5,7	-13,5	9,6	10,7	-0,2
-Saobraćaj	3,8	21,9	7,1	14,2	11,4	30,1	-9,1	4,1	8,2
TRGOVINA-promet	56,1	16,6	-10,7	2,0	24,8	45,9	49,5	20,0 ¹	34,5
UGOSTITELJSTVO-promet	3,2	-11,6	16,4	1,4	7,4	11,6	1,9	10,5 ¹	7,8
CIJENE NA MALO	1,2	1,7	-0,2	0,7	0,2	-0,3	3,0	7,0	2,5

* izvor podataka – Federalni zavod za programiranje razvoja

¹ Ocjena

4. STRATEŠKI CILJEVI VLADE FEDERACIJE BIH

Analizirajući trendove osnovnih indikatora razvoja Federacije Bosne i Hercegovine u mandatnim periodima 2000 – 2002.godina i 2003 – 2006.godina uočljiva je neujednačenost kretanja po godinama, ali i u prosjecima ova dva mandatna perioda. Razlozi ovakvih neujednačenosti nalaze se, prije svega, u naglašenim brojnim aktivnostima na provođenju unutrašnjih reformi u Bosni i Hercegovini i Federaciji Bosne i Hercegovine.

Cilj provedenih reformi je postizanje ujednačenog ambijenta privređivanja na teritoriju cijele Bosne i Hercegovine, odnosno jačanje države kao jedinstvenog ekonomskog prostora.

Strateški ciljevi Vlade Federacije Bosne i Hercegovine u mandatnom periodu 2007 – 2010.godina će biti usmjereni u pravcu stvaranja novih pretpostavki za jačanje Bosne i Hercegovine kao jedinstvenog ekonomskog prostora u interesu snažnijeg i stabilnijeg privrednog razvoja i jačanja unutrašnje društvene stabilnosti.

Strateški ciljevi Vlade Federacije Bosne i Hercegovine će biti:

I Bosna i Hercegovina jedinstven ekonomski prostor i jedinstveno tržište rada

- u periodu 2007.godine ukloniti sve neujednačenosti između entiteta u oblasti fisklane politike i ukupnog poslovnog ambijenta i iznaći institucionalna rješenja za njihovo donošenje i provedbu takve politike na nivou Bosne i Hercegovine u narednim godinama;
- u periodu 2007.godine na nivou države usaglasiti pravnu regulativu koja će obezbijediti nesmetano kretanje radne snage na čitavoj teritoriji, a što će omogućiti veće i bolje mogućnosti za zapošljavanje, u cijeloj u Bosni i Hercegovini.

II Bosna i Hercegovina energetska pouzdana i infrastrukturno integrisana u Evropski prostor

- u periodu 2007.godine, putem javnog natječaja, izabrati strateške finansijske partnere za kapitalnu izgradnju Federacije Bosne i Hercegovine u oblasti transportne infrastrukture, energetike i poljoprivrede u oblicima ugovornog ili institucionalnog partnerstva privatnog i javnog ulaganja kao i realizacija projekata do 2010.godine. Pokretanje javnih investicija je element razvoja države sa ciljem da Bosna i Hercegovina bude energetska pouzdana i infrastrukturno integrisan prostor, odnosno da bude pravi partner u Evropskoj uniji;

II Domaća privreda osposobljena za izvoz i substituciju uvoza

- u periodu 2007.godine iznaći institucionalno rješenje za podršku izvozno orijentisanim kompanijama i kompanijama koje vrše substituciju uvoza i njihovo jačanje do 2010.godine kao odgovor na izrazito nepovoljan spoljno – trgovinski debalans koji je na štetu građana i države Bosne i Hercegovine.

IV Stabilna sistemska briga o korisnicima prava iz odbrambenog rata i korisnicima socijalnih prava svih kategorija

- u periodu 2007.godina iznaći institucionalna rješenja za ujednačeno vođenje brige o korisnicima prava iz odbrambenog rata putem konstituisanja održivog fonda i njegovo jačanje u mandatnom periodu sa budžetskim i vlastitim izvorima prihoda;

5. STRATEŠKI PROJEKTI VLADE FEDERACIJE BOSNE I HERCEGOVINE

Prioriteti Vlade Federacije Bosne i Hercegovine će biti orijentisani na one poslove kojima se jača prihodna strana društva kao osnovni agregat za planiranje razvojnih, socijalnih i drugih društvenih potreba i obaveza.

Vlada će poduzimati mjere i predlagati cjelovita zakonska i druga rješenja radi osiguranja ambijenta za privredni rast društva stabilnih i predvidivih uslova poslovanja.

Glavna zadaća Vlade Federacije Bosne i Hercegovine i vodećih političkih subjekata u Parlamentu je vratiti stabilnost društvenog života svima i osigurati domaćim i stranim poduzetnicima predvidivost sistema čime će se osigurati pouzdanost i planiranje u realnim i ostvarivim okvirima.

Vlada Federacije Bosne i Hercegovine prioritet u svom radu će dati interdisciplinarnim zadacima za čiju realizaciju treba obezbijediti potpunu usaglašenost konačnih rješenja sa Parlamentom Federacije Bosne i Hercegovine. Rad Vlade Federacije Bosne i Hercegovine mora sadržavati prepoznatljivije projekte koji će biti Vladini strateški prioriteti.

U radu ministarstava Vladini strateški projekti će biti i prioriteti ministarstava uz redovne poslove resorne nadležnosti. Ovi projekti će jačati osjećaj pripadnosti TIMU što treba da bude glavno obilježje u radu nove Vlade Federacije Bosne i Hercegovine.

To su sljedeći projekti:

Projekat I - Fiskalna politika i poslovni ambijent Federacije Bosne i Hercegovine

Opis projekta:

Usklađivanje instituta i instrumenata ujednačene fiskalne politike na nivou Bosne i Hercegovine i smjernice vođenja fiskalne politike 2007 – 2010.godina u oblasti indirektnih i direktnih poreza i drugih elemenata neophodne regulative koja treba da pozitivno utiče na poslovni ambijent u Federaciji Bosne i Hercegovine i zapošljavanje.

- rok za izradu dokumenta: VI 2007.godine
- nosioci: Ministarstvo finansija, Poreska uprava Federacije Bosne i Hercegovine, Privredna komora Federacije Bosne i Hercegovine, Ekonomsko-socijalno vijeće, naučno istraživačke institucije i akademska zajednica Federacije Bosne i Hercegovine
- realizacija 2007 – 2008.godina

Projekat II – Konstituisanje održivog fonda za finansiranje prava boračke populacije

Opis projekta:

Program konstituisanja fonda za brigu o pravima korisnika iz odbrambenog rata sa definisanjem elementarnog finansiranja iz budžeta i drugih vlastitih aktivnosti fonda u obezbjeđenju izvora finansiranja, odnosno stabilnosti fonda.

- rok za izradu dokumenta: VI 2007.godine
- nosioci: ministarstva finansija, ministarstva za boračka pitanja, udruženja
- realizacija 2007 – 2008.godina

Projekat III – Politika privatizacije Federacije Bosne i Hercegovine

Opis projekta:

Politika privatizacije državnog kapitala Federacije Bosne i Hercegovine sa prijedlogom za svaki privredni subjekat pojedinačno o metodu, dinamici privatizacije kao i namjeni utroška sredstava dobivenih od prodaje.

- rok za izradu dokumenta: VI 2007.godine
- nosioci: Agencija za privatizaciju, resorna ministarstva, Ekonomsko-socijalno vijeće Federacije Bosne i Hercegovine i socijalni partneri
- realizacija 2007 – 2008.godina

Projekat IV – Strategija kapitalnih javnih investicija Federacije BiH

Opis projekta:

Analiza i mjere jačanja institucionalnih sposobnosti Bosne i Hercegovine i Federacije Bosne i Hercegovine za pripremu i realizaciju investiranja razvojnih projekata modelom partnerstva javnog i privatnog kapitala sa sadržajem javnih poziva po sektorima i konkretnim projektima u oblasti energetike, transportne infrastrukture i poljoprivrede.

Poseban naglasak na projekte sa elementima ekološke prihvatljivosti po kriteriju obnovljenosti resursa i projekte masovnijeg zapošljavanja.

- rok za izradu dokumenta: VI 2007.godine
- nosioci: Komisija za koncesije, resorna ministarstva, javna preduzeća, akademska zajednica
- realizacija 2007 – 2008.godina

Projekat V – Strategija izvoza i substitucije uvoza Federacije BiH

Opis projekta:

Strategija jačanja sposobnosti domaće privrede izvozne orijentacije Federacije Bosne i Hercegovine i substitucije uvoza domaćom proizvodnjom sa rješenjima jačanja institucija i instrumenata za njegovu podršku u oblastima industrije i poljoprivredne proizvodnje kao i u drugim granama koje su konkurentno sposobne i imaju mogućnost izvoza i prodaje domaćih proizvoda radi smanjenja spoljno – trgovinskih deficita i zapošljavnaja u domaćim institucijama:

- rok za izradu dokumenta: VI 2007.godine
- nosioci: resorna ministarstva energetike i poljoprivrede, ministarstvo finansija, Privredna komora Federacije Bosne i Hercegovine i izvozno orijentisane kompanije
- realizacija 2007 – 2008.godina

Projekat VI – Strategija ekološke obnove i održivosti Federacije BiH

Opis projekta:

Strategija ekološke obnove i održivosti Federacije Bosne i Hercegovine putem institucija, instrumenata i izvora za finansiranje konkretnih ekoloških projekata, upravljanje otpadom, reciklažom i aktivnostima čišćenja ekološki onečišćenih, vodotokova i drugih prirodnih cjelina Federacije Bosne i Hercegovine.

- rok za izradu dokumenta: VI 2007.godine
- nosioci: ministarstvo okoliša i turizma i nevladine organizacije za zaštitu okoliša
- realizacija 2007 – 2010.godina

Vlada Federacije Bosne i Hercegovine će dati prioritet za izradu i usvajanje ovih projekata uz odgovoran rad na svim ostalim poslovima i projektima u Ustavnoj nadležnosti Vlade Federacije Bosne i Hercegovine i ministarstava pojedinačno.

Uvjerenja sam da je realizacija navednih projekata, mjenjač brzina rasta osnovnih indikatora privrednog razvoja Federacije Bosne i Hercegovine. Brza realizacija ovih projekata će stabilizirati prihodovnu stranu u budžetu i stvoriti prostor za stabilnu realizaciju svih zakonskih obaveza Vlade Federacije Bosne i Hercegovine i otvoriti put ka razvoju.

Ovim projektima Vlada Federacije Bosne i Hercegovine ima najmeru da animira široku lepezu zainteresovanih subjekata i pojedinaca i da im pruži šansu u učešću u projektima za koje su vitalno zainteresovani.

Očekujem da će se Parlament Federacije Bosne i Hercegovine putem analize, rasprave i usvajanja ovih projekata izjasniti o najvažnijim pitanjima u Federaciji Bosne i Hercegovine nakon čega će Vlada Federacije Bosne i Hercegovine dobiti dovoljno vremena i da ih realizuje.

6. STRATEŠKE AKTIVNOSTI MINISTARSTAVA FEDERACIJE BOSNE I HERCEGOVINE

U cilju realizacije namjere da Vlada Federacije Bosne i Hercegovine bude konzistentan tim, jasno profilisan, koji će pokrenuti Federaciju Bosne i Hercegovine naprijed, očekujem od ministarstava Vlade Federacije Bosne i Hercegovine da u programu svog rada, posebno posvete pažnju sljedećim aktivnostima.

1. Federalno ministarstvo finansija

- jačanje finansijske discipline
- jačanje upravljanja javnim finansijama
- ujednačena fiskalna politika na nivou Bosne i Hercegovine
- konstituisanje razvojne banke Federacije Bosne i Hercegovine
- pristup tržištu kapitala

2. Federalno ministarstvo pravde

- efikasnost zakonodavnog sistema
- efikasnost administracije i reforma uprave
- efikasnost pravosuđa
- efikasija borba protiv korupcije i kriminala

3. Federalno ministarstvo unutrašnjih poslova

- sigurnost građana
- viši stepen koordinacije pravosuđa i policije u borbi protiv kriminala i korupcije
- reforma policije

4. Federalno ministarstvo energije, rudarstva i industrije

- intenzivna izgradnja novih energetske objekata
- energija iz obnovljenih izvora (bioenergenti i vjetar)
- jačanje konkurentnosti domaće izvozne privrede
- efikasnije upravljanje javnim preduzećima
- alternativni izvori snabdijevanja gasom
- evropski standardi u kvalitetu energenata

5. Federalno ministarstvo prometa i komunikacija

- izgradnja autoceste Zenica – Sarajevo – Mostar, Tuzla – Orašje, Lašva – Vitez – Travnik – Donji Vakuf
- izgradnja magistralne ceste Sarajevo – Tuzla, Mostar – Stolac – Neum, prsten Unsko – sanskog kantona, Sarajevo – Goražde
- izgradnja lučke infrastrukture u Neumu
- reforma upravljanja javnom transportnom infrastrukturom
- informatizacija društva

6. Federalno ministarstvo poljoprivrede, vodoprivrede i šumarstva

- poticaj za proizvodnju zdrave hrane i očuvanje zemljišta
- vrednovanje strateškog značaja voda i njihova zaštita
- priprema katastra šuma i izrada strategije razvoja i upravljanja
- promocija proizvođača hrane koji su substitucija uvoza
- regulacija vodotoka

7. Federalno ministarstvo prostornog uređenja

- završetak prostornog plana Federacije Bosne i Hercegovine
- posvećenost zaštićenim nacionalnim parkovima prirode
- efikasija zakonska regulativa za građenje

8. Federalno ministarstvo okoliša i turizma

- definisanje instituta i instrumenata za očuvanje životne sredine
- reciklaža građevinskog i drugog nerazgradivog otpada
- definisanje i zaštita ekoloških područja zdrave hrane
- angažovanje društva na čišćenju vodotokova i drugih prirodnih cjelina
- promocija ekološkog područja

9. Federalno ministarstvo trgovine

- reafirmirati odnos prema domaćim proizvodima
- standardizirati odnos ino partnera prema domaćoj proizvodnji
- promocija domaćih proizvoda

10. Federalno ministarstvo rada i socijalne politike

- stabiliziranje penzionog fonda i njegova reforma
- mjere za smanjenje sivog tržišta rada
- provođenje socijalnih obaveza i prava
- mobilnost tržišta rada
- efikasnost Zavoda za zapošljavanje

11. Federalno ministarstvo za pitanja boraca i invalida odbrambeno – oslobodilačkog rata

- konstituisanje fonda za prava populacije boraca i invalida
- traženje i drugih izvora sredstava za punjenje fonda

12. Federalno ministarstvo zdravstva

- standardi u zdravstvu na prostoru Federacije Bosne i Hercegovine
- održivost zdravstvene zaštite u kantonima sa najmanjim budžetima
- promocija zdravstvene prevencije

13. Federalno ministarstvo kulture i sporta

- kulturno nasljeđe kao element ponude Federacije Bosne i Hercegovine
- razvoj sportske infrastrukture
- obaveze javnih uprava i javnih preduzeća prema sportu i kulturi
- digitalizacija kulturne baštine
- promocija uspješnih sportista i kulturnih radnika

14. Federalno ministarstvo obrazovanja i nauke

- opredijeljenost naučno – istraživačkom radu
- ujednačeni standardi za visoko školstvo u Federaciji Bosne i Hercegovine
- reafirmacija projekta NET – škola
- promocija uspješnih đaka, studenata i nastavnika

15. Federalno ministarstvo razvoja, poduzetništva i obrta

- razvoj porodičnog biznisa
- očuvanje tradicionalnih zanata
- promocija poduzetništva i obrta

16. Federalno ministarstvo raseljenih osoba i izbjeglica

- održivost povratka u međusobnoj saradnji sa drugim institucijama i jačanje uloge države u ovoj oblasti
- planiranje humanitarnih aktivnosti od strane javnih preduzeća, vladinih institucija, u saradnji sa NGO
- posebna pažnja području Srebrenice

7. ZAKLJUČNA RAZMATRANJA

Sadržaj prezentiranog materijala će nakon analize i eventualne dorade predstavljati platformu za izradu detaljnog programa rada i budžeta Vlade Federacije Bosne i Hercegovine.

Namjera je da u što kraćem vremenu od Parlamenta Federacije Bosne i Hercegovine dobijemo autorizaciju za otvaranje širokog fronta multidisciplinarnih aktivnosti koje su ovdje u najkraćim crtama prezentirane.

Zbog izgubljenog prvog kvartala ove Budžetske godine imamo malo vremena za donošenje krupnih odluka. Zato se nadam da će Vlada Federacije Bosne i Hercegovine veoma brzo ponuditi Parlamentu Federacije Bosne i Hercegovine prijedloge rješenja u vezi sa svim važnim odlukama za koje trebamo imati znanja, mudrosti i hrabrosti.

Za velike poduhvate nema puno vremena, jer poslovi pripreme imaju svoje vremensko trajanje i ne mogu se zaobići.

Za realizaciju planiranih poslova ćemo tražiti kompetentne i angažovane pojedince i institucije koji imaju znanje, vještinu i stavove o svakom vitalnom pitanju.

HVALA NA POVJERENJU I PAŽNJI !